

«Ер юзидаги барча тирик мавжудотлар вақтдан кўркади, вақт-нинг ўзи эса - пирамидалардан», деган ибора бор. Дарҳақиқат, канча сувлар оқиб ўтмасин, канча асрлар ҳукмронлик қилмасин, баҳайбат тошли осори атикалар хали ҳамон илк давридагидай Ер юзида савлат тўкиб турибди. Ва ханузгача улар инсоният учун жумбоқлигича қолмоқда. Баъзилар уларни ўтмиш цивилизацияларининг яширин номалари, яна бирлари пирамидаларни ўзга сайёраликларнинг «ижод махсули» дейишса, қолганлар ушбу улкан мўъжизаларнинг пайдо бўлиш тарихини афсонавий Атлантида билан боғлашга ҳаракат қилишади.

Хўш, мазкур тахминларнинг қай бири ҳақиқатга яқин? Келинг, ҳаммасини бир бошдан бошлайлик.

Миср сир-асрори

Узоқ пайтлар давомида бу хайратланарли қурилмалар тсивилизатсияси милоддан аввалги ИИИ асрдан II асргача давом этган қадимги мисрликлар томонидан барпо этилган деб расмий равишда таъкидланиб келинади. Эндиликда эса мазкур нуқтаи назар қўплаб мутахассисларда жиддий шубҳаларни уйғотмоқда. Негаки, бу катта харсанг тошлар бир-бирига шунчалик мукамал ётқизилганки, уларнинг орасига тиг ҳам қирмайди, энг катта Хеопс пирамидасининг қирралари дунё томонларига тўғрилаб 0,1 фоиз аниқлик билан қурилган.

Тадқиқотчилар фикрича, оддий инсонларнинг бунчалик аниқлик билан иншоотларни қуришига ишониш қийин. Шунинг учун ҳозирда илгари сурилаётган илмий фаразларнинг бирига кўра, пирамидалар Ер юзида 8-10 минг йил олдинги юкори даражада тараккий этган тсивилизатсия даврида қад кўтарган. Эътиборлиси, фаразларга кўра, ўша даврда Миср саҳроси иклими нам тропик ўлка бўлган ва мазкур ҳудудда ёмғир жуда кўп ёккан. Юкоридаги тахмин олимларнинг синчковликлари туфайли вужудга келган: улар Буюк сфинксда одатда шаррос ёмғирлар натижасида юзага келадиган вертикал емирилиш ҳолати (эрозия)ни пайкашган, шамол ва қум таъсирида эса горизонтал нураш қузатилади.

Юкоридаги назарий фаразни далилловчи яна бир муҳим жиҳат бор: пирамидалар водийсининг космосдаги фотосуратида тадқиқотчилар иккинчи сфинкснинг сиртки кўринишини аниқлашга муваффақ бўлдилар - у биринчисининг рўпарасида қад ростлаган бўлиб, бутунлай тупроқ остида қолган. Мутахассислар зодагон аёл сиймосини ўзида ифодалаган дея тахмин қилинаётган ушбу қурилиш намунаси узоқ ўтмишда қулаган бўлиши керак. Тахминларга қазиниш ишлари якунланганидан сўнг аниқлик қиритилади дейилади астролаб.су сайтида.

Хитой пирамидалари

«Биз уларга шарқий томондан яқинлашдик ва шимолий тарафда қад ростлаган учта йирик пирамидани кўрдик, қолганлари эса навбатма-навбат ҳажман қичрайган ҳолда

курулган бўлиб, энг пасти жанубий қисмда эди. Улар хайдалган ерлар ва кишлоклардан баланд юксалиб, текисликда 6-8 мил (44-58 км.) худудгача чўзилган.

Энг улкан пирамида баландлиги тахминан 1000 футга тенг эди (бу 3000 метрга якин, яъни Хеопс пирамидасидан деярли икки баробар баланд дегани).

Хитой пирамидасининг тўрт тарафи компас нукталарига мос равишда аниклик билан мувофиқлаштирилган ҳолда ҳар бир кирраси дунё тарафларини кўрсатади. Қора ранг шимолни, кўкимтир яшил - шарқни, кизил - жанубни ва оқ ранг - ғарбни билдирган. Унинг юқори қисмига сарик тупрок сепилган, четларида эса қачонлардир тепага элтувчи зиналар бўлган.

«Ушбу ажойиб манзарани кўрганимда нафасим ичимга тикилиб қолгандай бўлди. Биз пирамидаларга кириш йўлини топиш мақсадида уларни айланиб чиқдик, аммо уринишларимиз зоё кетди. Таржимондан пирамидаларнинг «ёши» тўғрисида сўраганимда у «Хаттоки 5 минг йил олдинги ўтмишимизнинг энг қадимий манбаларида улар кўхна пирамидалар сифатида тилга олинган», деб жавоб берди.

Ўтган асрнинг бошларида Монғолия ва Хитой чегарасини кесиб ўтаётган авс-тралиялик савдогар Фред Шродер Чин ўлкаси пирамидаларини худди шундай таърифлаганди.

Европаликлар Хитойда еттита пирамида борлигидан космосда суратга олиш имкони тугилган даврда, аниқроғи, XX асрнинг ўрталарига келибгина хабар топишди. Ана шунда улар Чин мамлакатининг қадимий пойтахти Цзиан Фу яқинида қад кўтарган хайбатли «тош мўжизаларини» кўришга муваффақ бўлишган. Кейинчалик Янги зеландиялик учувчи томонидан топилган Фред Шродернинг қундаликлари ва мақоласи яхлит харсанг тошлардан барпо этилган қурилмаларга яна жамоатчилик кизиқшининг ортишига сабаб бўлди. Ҳозирда Хитой ҳукумати бирорта ҳам тирик жонзот ушбу худудларга якин йўламаслигини қаттиқ назорат қилади. Яна бир қизиқ маълумот: мамлакатнинг сунъий йўлдошларни орбитага элтувчи ракета­ларни учуриш майдончаси пирамидалар мажмуига якин жойлашган. Мутахассисларнинг фикрича, бу бежизга эмас.

«Фиръавнлар қарғиши»

«Миср ҳукмдорининг мақбарасига қирган ҳар бир одам ўзини ўлимга маҳкум этади» қабри ваҳимали ва машъум гап-сўзлар ўтган асрдаги археологик топилмалардан сўнг, айниқса, кенг тарқала бошлаган. Ҳар ҳолда 1922 йили инглиз тадқиқотчиси Говард Картер томонидан топилган фиръавн бола - Тутанхамон дахмасига айнан шу «Фиръавнлар қарғиши» номи берилган. Ўшанда илмий экспедициянинг кўплаб иштирокчилари (20 нафардан ортиги) сағанадаги ишлардан сўнг сирли ҳолатларда бирин-кетин ҳалок бўлишган. Ҳукмдорлар қарғиши факат Говард Картерга тегаган, ҳолос, сабаби 1930 йилга келиб экспедиция қатнашчиларидан биргина у ҳали ҳаёт эди.

Шундан сўнг, пирамидалар ҳақида бир биридан ваҳимали афсоналар тўкила бошланди. Бироқ 1962 йилнинг -ноябр ойида Кохира университетининг биология ва медитсина бўйича профессори Азизиддин Таха пирамидаларни қазиб ишларида иштирок этган

одамларда нафас олиш йўллари яллигланишини келтириб чиқарувчи вирус аникланганлигини маълум килди. Фиръавнлар мўмийёларини текширувдан ўтказгач эса, бу турдаги яна кўплаб бактерияларни топди, дарвоқе, унинг фикрича, ушбу замбуругларнинг баъзилари 4 минг йилгача ҳам умргузаронлик килиши мумкин экан. Тадкикотлардан сўнг олим «фиръавнлар каргиши»га осонликча антибиотиклар ёрдамида бархам бериш мумкинлигини ишонч билан айт-ди. Вирус нега битта Говард Картерга таъсир этмай колган, деган саволга у куйидагича жавоб берди: «Бу тадкикотчи ҳаммадан ҳам кўп вақтини пирамидалар кад ростлаган Хукмдорлар водийсида ўтказган. Археологик казилма ишлари давомида у бошқаларга нисбатан ўша ердаги хаводан кўпрок нафас олган, шу сабаб унинг организмида аста-секинлик билан бактерияга карши мус-тахкам иммунитет шаклланган».

Марказий Африкадаги Порт-Элизабет шифохонасида фаолият юритган тиббиёт олими Жоффри Дин кўп сонли ўлим холатларига олиб келган вазиятнинг сабаби кўршапалак чиқиндилари чириши натижасида пайдо бўлган захарли замбуруг чангида эканлигини айтган. Бундай хулосага келишга туртки бўлган воқеа шундай рўй берганди: шифокор ишлайдиган касалхонага китъа горларидаги кўршапалак чиқиндиларини ўрганаётган геолог Жон Уилз огир ахволда олиб келинади. Доктор Дин олдин ҳам бу каби холатларга дуч келганди, чунки Жанубий Америкада инк кабилалари яшаган горларни ўрганишда тадкикотчиларда Жон Уилзда кузатилган касаллик белгилари бўлган. Ўшанда беморларда касалликни келтириб чиқарувчи ва кўршапалаклар чиқиндиларида бўладиган гистоплазмалис вируси аникланган. Шу тарика, 1956 йили Жоффри Дин бу касалликка «гор хасталиги» номини берди, бу йўл билан «фиръавнлар каргиши» воқеасига нукта қўйишга ҳаракат килди. Айтганча, Жон Уилзни у охир-окибат соғайтириб юборди, шунингдек, мингйиллик тарихга эга касалликни ҳам илмий асослаб берган дастлабки инсонлардан бирига айланди.

Улардан ташқари катор мутахассислар кадимда мисрликлар ўзларининг мукаддас кадамжолари, яъни макбараларга кириб, уларни тахкирлайдиган инсонларга карши радиоактив ва бошқа шу каби турли токсинлар (захарли моддалар) ишлаб чиққанлиги хакида гапиришдан чарчашмайди. Мазкур мавзуга багишланган юзлаб, минглаб илмий тад-кикот ишлари мунтазам равишда эълон килиниб борилади. Кизиги шундаки, сўнгги пайтларда пирамидалар умуман Миср хукмдорларини дафн этиш максасида курилмаган деган карашлар пайдо бўла бошлади. Аммо бунга бироз кейинрок тўхталамиз.

Машъум Бермуд

Хабарингиз бор, узок пайтлардан буён олимлар Бермуд учбурчаги, деб номланган худудда кема ва самолётларнинг гойиб бўлиши ходисасига жўяли бир изох топиб беришолмаяпти. Вахоланки, XX аср иккинчи ярмининг ўзида бу фалокатли жойда 1000 нафардан ортик инсон халок бўлгани тўғрисида маълумотлар бор (ёурёга.орг веб саҳифаси). Ахвол хаттоки ўтган аср-нинг 90-йилларида АКШ гидрологик кемасида олиб борилган изланишлар давомида «учбурчак» тубида улкан пирамида топилганидан сўнг ҳам ўзгармади. Ха, ха, ажабланманг. Ушбу курилма хажмига кўра Хеопс пирамидасидан уч баробар катта, унинг четлари шиша ёки сайкалланган сополга ўхшаш материалдан ясалган. Энг хайратланарлиси, пирамида кирралари океан тубидаги объектга хос

бўлмаган тарзда пишик, равшан ва силлик. У энг замонавий ускуналар ёрдамида текширилганда эса, юзасида бирорта ҳам чигир (юк кўтарадиган энг содда галтакли курилма)лар, ажралувчи қисмлар ёки ёриклар топилмаган. Худдики, пирамида бир бутун яхлит харсанг тошдан ясалгандек.

«Учбурчакли курилмалар иши» билан жиддий шугулланишга қарор қилган олимлар 2003 йилда океан тубида яна иккита сирли пирамида шаклидаги иншоотларга дуч келишган. Океанограф Верлаг Маер махсус аппаратура ёрдамида улар шишасимон моддадан ташкил топганини аниқлашга муваффақ бўлди. Хажман ушбу сув ости пирамидалари Ер устидагилардан бир неча баробар катта бўлса-да, ҳозирги тахминларга кўра, 500 йилдан кўп бўлмаган тарихга эга. Уларни қим ва нима учун қургани инсониятнинг очилмаган сирларидан бири бўлиб қолмоқда. Фақат бир нарсани аниқ айтиш мумкин: бу пирамидалар ерликларга ҳозирча номаълум технологиялар асосида қурилган.

Есореитер.фрс сайтида ёзилишича, бир неча йил олдин АКШнинг денгиз ҳарбий кидирув хизмати Бермуд учбурчаги ҳудудида сувдан кўтарилаётган НУЖлар кўп қузатилишини маълум қилди. Бунда олдин бир неча метр диаметрдаги газли яримсфера ҳосил бўлади. Унинг орасидан номаълум жисм чиқиб парвоз қилади. Аслида Бермуд учбурчагидаги гайритабиийлик хусусият (аномалия)лари сув остида ишлаб турган қучли энергетик мажмуа туфайли қузатилгани эҳтимолдан ҳоли эмас. Бу фикр ҳам мутахассислар илгари сураётган тахминлардан биридир. Ҳозиргача мазкур ҳолат бўйича минглаб фаразлар ўртага ташланади, ҳудуддаги аномал ҳодисалар борасида ҳар қандай маълумот ўта маҳфий ҳисобланиб, эълон қилинмайди. АКШ ҳарбий қучлари бу тушунарсиз объектларни қузатишда бир сония бўлса-да тўхтагани йўқ. Шунга қарамай, «машъум учбурчак»нинг сирига биров бўлса ҳам ойдинлик киритишга эришилди, деган қатъий далиллар берилмаяпти.

Янги тамаддун қуртагими бу?...

«Пирамидалар - бу фиръавнлар макбаралари». Мазкур тушунчага биз тарих дарсларидан, саёҳат маърузаларидан, умумқабул қилинган илмий назарияга таянган ҳолда эга бўлганмиз. Бирок улкан харсанг тошдан барпо этилган иншоотлар умуман бошқа мақсадларда қурилган бўлса-чи? Мана, масалан, Россия Илмий тадқиқотлар миллий институти ходими Андрей Вержбитский пирамидаларни қуришдан қўзланган мақсад йўлдошли антеннани яратиш муддаоси билан бир хил, дея таъкидлайди:

- Мазкур ускуналарнинг ишлаш тамойили мантиқан бир-бирига жуда ўхшаш, - дейди у. - Тарихчи олимларга тушунарсиз бўлган пирамидаларнинг ичидаги бўлмалар, дафн ҳоналари ва гўёки яна бошқа турдаги қўмиш маросими учун мўлжалланган иншоотлар аслида катта ҳажмдаги тўлқин узаткич, шлейф, улкан резонатор, филтрлар ҳамда юқори частотали техникада қўлланиладиган бошқа жихозлардир.

Тадқиқотчи шу билан ўз фикрини яқунламади. У пирамидалар улкан сайёралараро алоқа тизимининг ташкилий қисми бўлганлиги ва улар бошқа сайёрада жойлашган худди шунга ўхшаш «терминал» билан боғланган, деган фаразни ҳам ўртага ташламоқда. Негаки, олис космос учун ишлаётган антенналар учун пирамида шакли муҳандислик нуқтаи

назаридан олинган ўта ақлли қарордир. Мулоқот пункти вазифасини эса «дафн хонаси» ўтайди: космосдан келаётган сигнални тушуниш учун унга кириб, макбара деб ўйланаётган тошли қутига ётишнинг ўзи кифоя. Ана шунда ўзга сайёрадан юборилаётган «нома»ларни худди шундай узаткич ёрдамида қабул қилиш мумкин.

Ақлбовар қилмас гапга ўхшайди, тўғрими? Аммо қим билсин, эҳтимол, у ҳақдир. Балки, айни дамда ҳам қўхна «учбурчак мўжизалар» - пирамидалар ичида Ер сайёрасидаги инсонлар қаби бошқа заминда ҳам ҳаёт кечираётган онгли мавжудотларнинг овози янграётгандир?..

Наргиза Иброҳимова